

ԴՎԻՆԻ IX ԴԱՐԻ ԶՆԱՐԱԿԱԾ ԽԵՑԵՂԵՆԻ ՀԱՐՑԻ ՇՈՒՐՁԸ

Հայաստանի և Անդրկովկասի միջնադարյան ջնարակած խեցեղենի, մասնավորապես նրա վաղ ձևերի առաջացման և զարգացման հարցերը հնագիտների ուսումնասիրության լուրջ առարկան են դարձել: Վերջին տասնամյակներում այդ ուղղությամբ աշխատանքներ են կատարվել Հայաստանում, Վրաստանում և Ադրբեջանում:

Հայաստանում ջնարակած խեցեղենի գիտական ուսումնասիրությունը գերազանցապես կապվում է արհեստավորական խոշոր կենտրոն, միջնադարյան Դվին քաղաքի պեղումներից հայտնաբերված նյութերի հետ, որոնք հնարավորություն են ընձեռում դիտել ջնարակման տեխնիկայի զարգացման փուլերը IX—XIII դարերում:

Դվինը, լինելով խոշոր առևտրա-արհեստավորական կենտրոն, տնտեսական և մշակութային սերտ կապեր ուներ Մերձավոր Արևելքի քաղաքների հետ և իր զարգացման մակարդակով ընթանում էր նրանց համաքայլ: Զարգացման այդ ընդհանուր փուլում Դվինը նույնպես կազմակերպեց ջնարակած խեցեղենի արտադրություն,

իր ուրույն տեղական կնիքը դնելով նրա վրա: Դվինի IX դարի ջնարակած խեցեղենի քննությունը, հետևաբար, ընդհանուր շղթայի մի օղակի բացահայտման նշանակություն է ստանում:

1964 թ. վերսկսվեցին պեղումները Դվինի կենտրոնական թաղամասում և շարունակվեցին հետադա տարիներին: Հայտնաբերված նոր նյութերը հնարավորություն են ընձեռում պարզություն մտցնել IX դարի նյութական մշակույթի, հատկապես խեցեղենի արտադրության հետ կապված մի շարք կարևոր խնդիրներ: Պեղումների ընթացքում բացված մեծ շինությունը, որ իր բնակելի և տնտեսական բաժիններով կառուցվել էր արաբական տիրապետության վերջին շրջանում (VIII դարի վերջում), հիմնովին ավերվել է 893 թ. երկրաշարժի ժամանակ, որից հետո այդև չի ոչնչացրել: Ուստի այդ շերտը հստակ թվագրվում է ինչպես նշված հանգամանքով, նույնպես և VIII—IX դդ. արաբական մի քանի տասնակ դրամներով:

Ջնարակած խեցեղենը, որը գերազանցապես բուրս է կկել շինության տնտեսական բաժնի խոշոր կոնաձև հորերից, թվագրվում է IX դարի երկրորդ կեսով, վերին սահմանն ունենալով 893 թ.:

Քննենք այդ նյութերն առանձին-առանձին: Հայտնաբերված ջնարակած խեցեղենը բաժանվում է երկու մեծ խմբի՝ տեղական և ներմուծված: Տեղական խեցեղենն իր հերթին հանդես է հալիս մի քանի ձևերով:

Բազմազույն ջնարակած խեցեղենի նախնական ձևերը ներկայացված են գերազանցապես ոչ խորը պնակներով, փոքրիկ թասերով և այլ տիպի անոթներով (աղ. 1): Նրկարազարդումը կատարվել է հիմնականում երեք զույնով՝ մուգ դարչնագույն, վառ գեղնավուն և կանաչ: Ջնարակման այս եղանա-


1 Կ. Ա. Ֆադայան, Դվին քաղաքը և նրա պեղումները, Երևան, 1952: Բ. Առաքելյան, Քաղաքները և արհեստները Հայաստանում IX—XIII դդ., հատ. 1, Երևան, 1958: Б. А. Шелковников, Керамика и стекло из раскопок гор. Двина, *Հայաստանի պատմական թանգարանի «Աշխատություններ»*, հատ. IV, 1952: Նույնի՝ Полувная керамика из раскопок гор. Ани, *Ереван*, 1957: Տե՛ս նաև նույն հեղինակի հոդվածները՝ «Տեղեկագիր» *Աշխատանք*, 1940, № 4—5 և 1942, № 6, В. В. Джапаридзе, Керамическая промышленность Грузии X—XIII вв., Тбилиси, 1956 (*վրացերեն, ուսուսերեն ամփոփումով*): З. М. Яйсурадзе, Грузинская художественная керамика XI—XIII вв., Тбилиси, 1954; А. Л. Якобсон, Художественная керамика Багдана, Материалы и исследования по археологии СССР, 67, 1959; Նույնի՝ Археологические исследования на городище Орен-Кала в 1957 г., 133, 1965.

2 1964—1965 թթ. պեղումների նկարագրությունը և շերտագրական դիտողությունները կատարվել են հեղինակի «Раскопки центрального квартала Двина в 1964 и 1965 г.г.» հոդվածում, տե՛ս «Պատմա-բանասիրական հանդես», 1967, № 1:

կը ունի չի շարք ատանձնահատկությունները և կարագարդումը նախ կատարվել է խեցու վրա և ապա՝ պատվն, թափանցիկ ջնարակով: Նկարը, ըստ երևույթին, արվել է թաց խեցու վրա և կրկնակի թրծվել: Զարդարման այս ձևն արդեն խոսում է այն մասին, որ տվյալ տիպի ջնարակումը շատ նախնական է և համապատասխանում է ջնարակած խեցեղենի սկզբնական փուլին: Այս տեսակի լայն տարած-

կերևան ավելի հարթ և նկարն ավելի ցայտուն դարձնելու նպատակով: Շատ հավանական է, որ այս ձևերը հանդես են եկել միաժամանակ: Բացառված չէ, որ անդորով պատելը, որը պայմանավորված էր ջնարակած անոթների արտադրության զղալի զարգացմամբ, երևան է եկել թիչ ավելի ուշ, քան նախորդ ձևը:

Մեծ քանակությամբ այս տիպի խեցեղեն է հայտնաբերվել Դվինի կենտրոնական թաղա-



Աղ. 1

ծում ուներ Միջագետքում և պատահական չէ, որ նման կատարումով անոթները էոնստիյուհենը թվագրում է IX դարով³:

Տեսնելիական տեսակետից մի քայլ առաջ էր անոթների ներքին մակերեսի անդորումը, մա-

մասում, որն ավերվել է 893 թ. երկրաշարժի ժամանակ և հետադադում շատ թույլ է բնութագրված եղել: Նույն տեղից մեծ քանակությամբ նման խեցեղեն է հայտնաբերվել խաչիկ Դադյանի ուղղումների ժամանակ (1907—1908 թթ.), զրանք հետադադում տարվել են Զվարթնոց և ցուցադրված են Զվարթնոցի թանգարանում: Ըստ երևույթին, Դվինում, սկսած IX դարի ա-

³ Ernst Kühnel, Islamische Klein-kunst, Berlin, 1925, էջ 76-78, նկ. 36-37.

ոաջին կեսից, եռագույն խեցեղենի արտադրությունը (թաց կավի վրա, առանց անդորի և անդորով) լայն ծավալ էր ստացել: Դվինի կենտրոնական թաղամասի պեղումները և շերտագրական դիտողութունները թույլ են տալիս ասելու, որ ջնարակման և նախշազարդման վերոհիշյալ ձևերը եղել են առավել նախնականը, որից հետո երևան են գալիս միագույն ջնարակած անոթները և «անդորով» նկարազարդված անոթները: Կասկածից վեր է, որ նման դարձադրույթ պետք է դիտվեր նաև Անդերկովկասի արհեստավորական այլ կենտրոններում, որոնք սերտ կապերի մեջ էին Դվինի հետ⁴:

Բաղմագույն ջնարակած թասերը հանդես են գալիս երկու ձևով՝ փոքր, հարթ հատակով, ուղիղ կտրված պսակով (ՊՊԹ 2326/29, 30, չափերը՝ բերանի տրամագիծը՝ 10,5—11 սմ, բարձր.՝ 3,5—4,5 սմ, հատակի տրամ.՝ 4,5—5,5) և մեծ օղակավոր նստուկով, կլոր պսակ, վերին մասում ուղիղ պատեր ունեցող պնակներով (ՊՊԹ 2326/1, չափերը՝ 20, 6,5, 10 սմ): Զարդանախշումը հիմնականում երկրաչափական է և բուսական: Ամենատարածված մոտիվը դարչնագույն և կանաչ գծերով արված քառակուսիների և շեղանկյունների մեջ կանաչ և դարչնագույն սլաքների զարդն է, որն անոթի ներքին մակերեսի վրա դասավորված է շախմատաձև: Այս զարդամոտիվը լայն տարածում ունի Դվինում և հանդիպում է դեռևս նախորդ տարիների պեղումներից հայտնաբերված նյութերի մեջ⁵: Կաբելի է վստահորեն ասել, որ այդ մոտիվը զուտ տեղական էր և Դվինի խեցեղործ վարպետների գեղարվեստական մտա-

հղացման արդյունք: Սլաքաձև զարդերը, որ այնքան լայն տարածում ունեին Դվինի ջնարակած խեցեղենի վրա IX դարում, հետագայում անհետանում են, իրենց տեղը զիջելով ավելի բարդ կոմպոզիցիոն նկարների:

Անդրկովկասյան հուշարձաններում նման զարդով խեցեղեն չատ բիշ քանակությամբ հայտնի է Սրեն-Կալայից (Փայտակարան)⁶, որը թվագրվում է X դարով: Սլաքաձև զարդով խեցեղեն որոշ քանակությամբ կա միջինասիական հուշարձանների նյութերում:

Դվինում մասսայական է նաև դարչնագույն գծերով քառակուսիների մեջ դեղին պուտերով զարդամոտիվը: Վառ դեղին գույնը առանձնակի շքեղություն է հաղորդում անոթին:

Վաղ տիպի ջնարակած անոթների զարդամոտիվների համար բնորոշ է կոմպոզիցիան կետադարձերով շրջաօլորված կամ տարբեր ֆոները կետադարձերով լցնելը: Կետադարձերը հիմնականում դարչնագույն են, երբեմն՝ կանաչ: Երկրաչափական զարդերից հայտնի են նաև տարբեր տիպի ցանցերը, կատարված կանաչ և դարչնագույն գծերով, շեղանկյունիները, սիմետրիկ զարդերը և այլն:

Բուսական զարդերի մեջ առանձնակի տեղ են բռնում վարդյակները և ոճալորված ծաղիկները: Նրանց եղրաչափերը հիմնականում տրվում են դարչնագույնով, իսկ ներսի մասը հարստացվում է դեղին և կանաչ տարբեր տիպի զարդամոտիվներով: Սիրված մոտիվներից մեկը սուր ծայրով վերջացող ոճավորված արմավենու պատկերումն էր (արմավենազարդ):

Շարուտ նախշեր ունի 2326/1 պնակը (աղ. 1,1): Ներսի մակերեսը պատած է երկրաչափական և բուսական ներդաշնակ զարդերով: Զարդն իրենից ներկայացնում է մի հավասարաթև խաչ, որի կենտրոնում, կրկնակի դարչնագույն օղակներով արված շրջանի մեջ, պատկերված է ոճավորված ծառ, որի ֆոնը հարստացված է վառ դեղին պուտերով և դարչնագույն փոքր կետերով: Խաչի թևերի միջև արված են ձվաձև շրջաններ, որոնք կանաչ գծերով բաժանված են քառակուսիների, իսկ քառակուսիների մեջ ներդրված են դարչնագույն կետերով շրջաօլորված դեղին խալեր: Դեղին և կանաչ գույների համադրությունը անոթին շքեղ

⁴ Н. Наджафова, Б. Шелковников, Художественная глазурованная керамика Азербайджана IX века, Известия АН Аз. ССР, сер. общ. наук, 1958, № 4. Պետք է նշել, որ հեղինակները Ադրբեջանի տեղի տորիայի վրա հայտնաբերված IX դարի խեցեղենի բնության ժամանակ աչքաթող են արել այս կարևոր տիպը, այդ համարելով լուրջ անդորով պատած բաղմագույն ջնարակած անոթները տարատեսակ: Տեղին է նշել, որ IX—X դդ. նման խեցեղեն տարբեր զարդանախշերով հայտնի է Օրեն-Կալայի համասլատասխան շերտերից (տե՛ս Ա. Լ. Յակոբսոնի նշված աշխատանքները) և նրա ուսումնասիրությունը մյուս խմբի հետ ամբողջական պատկեր կստեղծեր:

⁵ Կ. Ղաֆադարյան, նշվ. աշխ., էջ 209—210, նկ. 189: Զվարթնոցի թանգարանում ցուցադրված խեցեղենի մեջ նույնպես առկա

են հիշյալ զարդամոտիվները, տե՛ս Գ. Կարախանյան և Ա. Քալանթարյան, Զվարթնոցի խեցեղենը «Պատմա-բանասիրական հանդես», 1964, № 4:

⁶ А. Л. Якобсон, Художественная керамика Баилакана, էջ 239:

տեսք է հաղորդում: Պնական արտաքուստ ունի դարչնագույն պուտիկներ (աղ. I, 3): Նման պուտիկներով ջնարակած թասի մի բեկոր հայտնաբերվել է 1966 թ. պեղումների ժամանակ: Անոթի արտաքին մասը դարչնագույն պուտիկներով զարդարելը նույնպես բնորոշ է Դվինի IX դարի ջնարակած խեցեղենի համար և հետադարձում չի հանդիպում:

Կենտրոնական թաղամասում հայտնաբերված խեցեղենի մեջ ուշադրության են արժանի անոթի մի կափարիչ և սափորի ստորին մասը, որոնք երկգույն զարդարում ունեն: Կափարիչը (ՊՊԹ 2326/2) գրեթե կիսագնդաձև է, վերին մասում բռնակ ունի (աղ. I, 4): Արտաքին ամբողջ մակերեսը պատած է դարչնագույն պուտիկներով: Կափարիչի վրա համաչափ կերպով զասավորված են 4 միանման ուսավորված բուսական զարդեր, որոնց վերին և ստորին մասերում կան դեղնավուն պուտեր (խալեր):

Սափորի ստորին մասը (ՊՊԹ 2326/20) ծածկված է ուղղահայաց, դեպի հատակը իջնող դարչնագույն գծերով, որոնց միջև մեկ ընդ մեջ դրված են կանաչ կետազարդեր: Անոթը պատած է թափանցիկ ջնարակով: Սափորի վերին մասն ըստ երևույթին ունեցել է ճոխ հարդարանք: Այդ են ցույց տալիս պահպանված որոշ մանրամասները (աղ. I, 5):

Միագույն փափուկ խեցեղենը ներկայացված է հինգ տարբեր անոթներով: Զնաքակը մուգ կանաչ է (պղնձի օքսիդ): Պատրաստման եղանակով և իր նրբությամբ աչքի է ընկնում 1965 թ. գտնված տափաշիչը (ՊՊԹ 2326/21): Այն ունի կլոր իրան, համեմատաբար երկար վիզ, ինչպես նաև ելուստաձև երկու կանթ՝ անոթը թելով կախելու համար (աղ. II, 1): Բարձր.՝ 15,5 սմ, իրանի տրամ.՝ մոտ 11 սմ: Անոթն իր արտաքին տեսքով մերձենում է անտիկ շրջանի տափաշչերի ձևերին: Այն թերևս պատկանել է եկեղեցական սպասների թվին, քանի որ հիշեցնում է Բյուզանդական կայսրության սահմաններում V—VI դդ. լայն տարածում ստացած պաշտամունքային անոթամուկանների ձևերը⁷: Անդրկովկասյան ժամանակամերձ հուշարձաններում Դվինի տափաշչի ուղղակի զուգահեռներ մեզ հայտնի չեն: Տափաշչերն այդ շրջանում լայն տարածում ունեին Միջին Ասիայում, բայց կիրառական այլ նշանակությամբ:

Մեծ հետաքրքրություն է ներկայացնում օղակաձև ցածր նստուկով և ուղիղ պատերով

զավաթը (պահպանվել է 2/3 չափով): Բարձր.՝ 11 սմ, բերանի տրամ.՝ 11 սմ, հատակի տրամ.՝ 7 սմ: Անոթի իրանի կենտրոնական մասով շուրջանակի անցնում է ակոս (աղ. II, 3): Զնաքակումը կատարված է միայն արտաքին կողմից: Կավը դեղնավուն է, մանրահատիկ: Հիշատակության արժանի է վաղ միջնադարյան ծագում ունեցող մի զավաթ, նույնպես գտնված կենտրոնական թաղամասում (ՊՊԹ 1905/67), որն ուղակիորեն կրկնում է վերոհիշյալ անոթի ձևը: Այս երևույթը խոսում է այն ուժեղ ավանդույթների մասին, որը գոյություն ուներ Դվինում արհեստագործական արտադրանքի բնագավառում: Նման տիպի մի անոթ հայտնաբերվել է Սամառայում (Արաբական խալիֆայի մայրաքաղաքը 836—883 թթ., գտնվում էր Միջագետքում՝ Բաղդադի մոտ) և նույնպես թվագրվում է IX դարով⁸:

Շատ հետաքրքրական է ՊՊԹ 2326/23 անոթը, որի վրայի զարդամոտիվը կատարված է հավանաբար փայտի փորագրության անմիջական ազդեցության ներքո: Դա շրջանաձև, հարթ հատակով, 4,5 սմ բարձրությամբ մի անոթ է, որի արտաքին կողմում, վերին մասում շրջանաձև տրված է եռանկյունաձև երկշաք փորագիր զարդ, իսկ ստորին մասում՝ եռանկյունիների և բազմանկյունիների միախառնված փորագիր զարդագոտի (աղ. II, 6): Կավը կարմրավուն է: Նման անջնարակ մի անոթ գտնվել է նույն տեղից և նույնպես թվագրվում է IX դարով: Այստեղ զարդն ավելի կատարյալ է և բազմազան⁹: Նույն տիպի երկրաչափական զարդերով անոթներ հայտնի են Օրենկալայից, որոնք Ա. Լ. Յակոբսոնի կողմից թվագրվում են XII դարով¹⁰: 1957 թ. Օրենկալայից IX—X դդ. շերտերում գտնվել են կանաչ ջնարակով և նույն զարդամոտիվներով մի քանի անոթների բեկորներ¹¹: Զարդանախշման այս եղանակը, ըստ երևույթին, լայն տարածում ունեն արդեն IX դարում: Փորագիր զարդերով մի քանի անոթներ հանդիպում են Սամառայում¹²:

⁸ F. Sarre, Die Ausgrabungen von Samarra, Band II, Die Keramik von Samarra, Berlin, 1925, էջ 21:

⁹ См. А. А. Калантарян, Раскопки центрального квартала Двина в 1964 и 1965 гг.

¹⁰ А. Л. Якобсон, Художественная керамика Байлакана, էջ 282—286, աղ. XXXVII, 2, 2a, 3, 4:


¹¹ А. Л. Якобсон, Археологические исследования..., էջ 17—18, նկ. 8:

¹² F. Sarre, նշվ. աշխ., աղ. V:

⁷ Այդպիսի մի ամպուլա է գտնվել Դվինում, տես Ա. Ա. Քալանթարյան, Պաշտամունքային անոթ Դվինից, ՀՍՍՀ ԴԱ «Տեղեկագիր» (հաս. դիտ.), 1965, № 2:

Միագույն կանաչ ջնարակով մյուս երկու ա-
նոթներից մեկը կաթնամանի բեկոր է, ծորակով,
հատակը չի պահպանվել: Անոթի պսակը տա-
փակ է, քիչ գնդի ներս թերթված: Միագույն ա-

լվերոհիշյալ միագույն կանաչ ջնարակով ա-
նոթների քննությունը ցույց է տալիս, որ Դվի-
նում արդեն IX դարում ջնարակած խեցեղենի
արտադրությունը դարձել էր բազմակողմանի:



Աղ. 11

նոթների մեջ ուշագրավ է նույն շերտում վրտ-
նըված թասը, որն իր նստուկի և ընդհանրա-
պես արտաքին ձևով կրկնում է բազմագույն
ջնարակած թասերի մեծ օրինակները (պահ-
պանվել է 1/3 չափով):

Նման խեցեղենի առկայությունը Անդրկովկաս-
յան ժամանակամերձ հուշարձաններում կաս-
կած չի հարուցում: Առանձին օրինակներ
հայտնի են Օրեն-Կալայի և Թբիլիսիի IX—X դդ.
շերտերից: Հավանաբար նման զարդանախշումն

աղծրաններ ունի սասանյան ջնարակած անոթների հետ, որոնք գերազանցապես հանգնա են գալիս կանաչ ջնարակով:

Անգորով նկարագրված ջնարակած խեցեղենի առանձին բեկորներ են հայտնաբերվել պեղումների բուն շերտից: Դրանց ուսումնասիրությունը կարևոր տեղ է դրավում Անդերկովկասի IX դարի ջնարակած խեցեղենի ընդունության մեջ: Թասերի վարդերն արված են ապիտակ անգորով և ծածկված թափանցիկ ձամ դեղնա-կանաչավուն ջնարակով: Բ. Առաքելյանը իրավացիորեն նկատել է, որ ջնարակման այդ ձևը «նկարազարդում անգորով», Հայաստանում, մասնավորապես Դվինում, հանդես է գալիս IX դարի վերջում և X դարի սկզբում¹³ Դվինի անգորով նկարազարդված խեցեղենի ուսումնասիրությունը երևան է բերում մի շարք ձևեր, առավելապես նկարազարդում անմիջապես խեցու վրա և նկարազարդում խեցու գույնին մոտ ֆոնի վրա:

Պետք է նշել, որ ն. Նաջաֆովայի և Բ. Շել-ձյովնիկովի հայտնած այն կարծիքը, թե անմիջապես խեցու վրա անգորով նկարազարդված խեցեղենը գտնվել է միայն Ադրբեջանում, իսկ Դվինում ընդհանրապես չի հանդիպում¹⁴, պարզապես պեղումների վերջին տարիների արդյունքներին նրանց անտեղյակության հետևանք է: Հենվելով հնագիտական նյութերի շերտադրական և բաղդատական խոր ուսումնասիրության վրա, Ա. Յակոբսոնը նշում է, որ անգորով նկարազարդված խեցեղենը լայն տարածում ունի ինչպես Ադրբեջանում, այնպես էլ Վրաստանում ու Հայաստանում (Դվին)¹⁵:

Կենտրոնական թաղամասում հայտնաբերված հիշյալ խեցեղենի նմուշների զարդերը կատարված են սպիտակ անգորով, պատած են թափանցիկ ջնարակով (աղ. II, 2, 7): Բեկորներից Երկուսի ֆոնը բաց շագանակագույն է, որի վրա ցայտուն երևան են գալիս սպիտակ գծերը: Զարդերի մի մասը պուտիկներ են, հանդիպում են նաև շրջակենտրոն ավելի բարդ զարդամոտիվներ:

Կարևոր է խեցեղենի թվագրության հարցը: Քոլոր ռաումնասիրողներն անգորով նկարազարդված անոթները համարում են միջնադարյան ջնարակած խեցեղենի ամենավաղ տիպերը և թվագրում են IX դարով: Դվինում անգորով նկարազարդված անոթները գերազանցապես հայտնաբերվում են X դարի շերտում: Շատ

հավանական է, որ այդ տիպը երևան է գալիս IX դարի վերջում, անմիջապես եռագույն ջնարակած խառնուրդ հետո: Անգորով նկարազարդումը ջնարակած խեցեղենի զարդարման մեջ կարող էր տեղ գտնել միայն այն դեպքում, երբ անգորեն արդեն լայն կիրառություն ստանար և օգտագործվեր տարբեր նպատակներով: Այդ առումով «նկարազարդում անգորով» ձևը տեխնիկական տեսակետից մի քայլ առաջ էր, քան նախորդ ձևերը:

Կենտրոնական թաղամասում հայտնաբերված ջնարակած խեցեղենի հավաքածուում կան երկու փոքր, ևս ծավալած շուրթերով ծանծաղ թասեր, որոնք ամենայն հավանականությամբ միջագետքյան IX դարի խեցեղենի ընդօրինակություններ են: Երկուսի ներքին մակերեսը պատած է կաթնավուն ջնարակով, որը ֆոն է ստեղծում վարդերի համար: Զարդերը գրեթե իմիտացիա են: Թվում է, թե նրանք նույնպես ներմուծված են, սակայն մանրադնին քննությունը երևան է բերում որոշ տարբերություններ: Նախ ջնարակն իր որակով դիչում է ներմուծված օրինակների նույնանման ջնարակին և ավելի խամրած տեսք ունի: Երկրորդ, և ամենակարևորը, խեցին իր գույնով և որակով լրիվ տարբերվում է ներմուծվածներից և համապատասխանում է Դվինի անոթների խեցու գույնին: Մնում է միայն նշել, որ տվյալ անոթները պատրաստված են կաթնավուն, խուլ ջնարակով պատած ներմուծված թասերի անմիջական նմանողությամբ, նրանց տեղական ընդօրինակություններն են և նույնպես թվագրվում են IX դարով (աղ. II, 4, 5):

Խեցեղենի ներմուծման հարցի պարզաբանման տեսակետից Մերձավոր Արևելքի խեցեղենը ուսումնասիրելիս բացառիկ նշանակություն են ստանում Դվինում հայտնաբերված օտար ծագում ունեցող անոթները: Իհարկե, դա առաջին հերթին խոսում է Դվինի առևտրական լայն կապերի մասին: Վերջին տարիներս կենտրոնական թաղամասում հայտնաբերվել է Սամառայից ներմուծված անոթների մի խումբ: Անոթների մակերեսային համեմատությունը Սամառայից գտնված այլ առարկաների հետ և դրանց տեխնոլոգիական առանձնահատկությունները խոսում են նրանց միջագետքյան ծագման օգտին¹⁶: Ներմուծված առարկաները ներկայացված են մեկ ամբողջական պնակով, մի քանի թասերով և բաղմամբիվ բեկորներով: Այդ

¹³ Բ. Առաքելյան, նշվ. աշխ., էջ 235:

¹⁴ II. И а д ж а ф о в а, Б. Ш е л к о в н и к о в, նշվ. աշխ., էջ 97:


¹⁵ А. Л. Я ко б с о н, Художественная керамика Байлакана, էջ 232 և 236:

¹⁶ Սամառայի ծագում ունեցող անոթների վերաբերյալ ավելի մանրամասն տե՛ս Б. Ш е л к о в н и к о в, Художественная керамика Двинских раскопок, «Известия» Арм. ФАИ, 1940, № 4—5:

անոթներն ունեն փափուկ, բաց դեղնավուն խեցի, որով առաջին հերթին տարբերվում են Դվինի տեղական արտադրանքից: Անոթները պատած են կաթնավուն անթափանցիկ ջնարակով, որը հեշտությամբ պոկվում է խեցու վրայից: Ջնարակապատումը կատարվել է անմիջապես թաց խեցու վրա և հետո այն թրծվել է: Այս ամենը հատուկ է Սամառայի խեցեղենին և վերստին հաստատում է նրանց արտադրության վայրը: Թասերն ունեն շատ բնորոշ ձևեր, դերազանցապես խորն են, դուրս փռված պսակներով, հենվում են օղակավոր ցածր նրստուկի վրա: Անոթների մեծ մասը զարդարուն է, որ կատարված է կոթալտով:

հայտնի է Շոշից (ներկայումս պահպանվում է Լուվրում)¹⁷:

Նույն տիպի (զուտ արտաքին նմանությամբ) մի թաս հայտնաբերվել է 1964 թ. (ՊՊԹ 2305/24): Այստեղ զարդն արդեն այլ ձևի և դույնի է: Անոթի կենտրոնում, ներսից, կապույտ կոթալտով նկարված են ոճավորված տերևներ, իսկ շուրթին՝ նախորդ թասի նման արված են կապտավուն ցայտեր (աղ. III, 4): Ընդհանրապես այս երկու անոթներն իրենց արտաքին ձևով և զարդարման եղանակով, հատկապես երկրորդը, մոտենում են 1933 թ. Դվինում, նույն տեղամասում գտնված նույնատիպ թասին (ՊՊԹ 1617/124)¹⁸, Ուղ-



Աղ. III

Ուշադրության է արժանի ՊՊԹ 2326/28 պնակը, որի ներսի մակերեսին, կաթնավուն ֆոնի վրա կանաչ կոթալտով վերարտադրված է ոճավորված նուան ճյուղը, կենտրոնից հեռացող դույզ պտուղներով (աղ. III, 1): Պնակի շրթի վրա արված են հավասար հեռավորության վրա գտնվող երեք դույզ կետեր: Անոթի մշակումը և նախազարդումը կատարվել է մեծ հմտությամբ: Նման զարդով՝ կենտրոնում մեկ նուան պտուղով և ոճավորված տերևներով, անոթ

¹⁷ R. Koechlin, A propos de la céramique de Samarra, „Syria“, 1926, vol. 7, fasc. 3, pl. XLI, 2.

¹⁸ Б. А. Шелковников, Художественная керамика Двинских раскопок, էջ 192—194, նույնի՝ Средневековая художественная керамика Ближнего и Среднего Востока, «Известия» Арм. ФАНа, 1942, № 6 (20), էջ 6, 4. Ղ ա ֆ ա դ ա ր յ ա ն, նշվ. աշխ., նկ. 206:

զակի զուգահեռները հանդիպում են Միջագետքի խեցեղենի հավաքածուներում¹⁹։

Կենտրոնական թաղամասում հայտնաբերվել են նման տիպի անոթների բազմաթիվ բեկորներ։ Նույն տիպի թասերից մեկը (հատակը բացակայում է) եզրերին կրում է կապույտ ցայտեր (աղ. III, 2)։ Անոթների ձևերի տեսակետից նետաքրքրական է սկահակը (աղ. III, 3), որը ծանծաղ է, չունի հենահատակ և զուրկ է նախազարդումից։ Սկահակի եզրերը շեշտված կերպով դուրս հն թևավում (զտնվել է բեկորներով, պահպանվում է Դվինի հնադիտական բազայում)։ Նույնատիպ անոթներ են հայտնաբերվել Սամառայում և հայտնի են իրենց տեսակով հարդարանքով²⁰։

Թասերի բեկորների մեջ առանձնանում է մի օրինակ, որը զարդարման տեսակետից ոչ մի նմանություն չունի վերոհիշյալ թասերի հետ, սակայն խեցու նույնությունը և ջնարակի պոկվելու հատկությունը մեզ թույլ է տալիս այն ևս բնորոշել ներմուծված առարկաների շարքը։ Բեկորը նախազարդված է երեք գույնով՝ կապույտ, մանիշակագույն և կանաչ։ Զարդն արված է դեպի կենտրոնը ձգվող երեք գույների ներդաշնակ շերտերով։ Նման տիպի մեկ ամբողջական թաս գտնվել է նույն թաղամասում 1947 թ. (ՊՊԹ 1847/59) և նույնպես թվագրվում է IX դարով²¹։ X դարով է թվագրվում միջագետքյան ծագում ունեցող նույն զարդերով ամբողջական թասը, որը հրատարակվել է Ա. Լեյնի կողմից²²։

Հիշյալ խեցեղենի գյուտերն անդրկովկասյան հնավայրերում շատ քիչ են։ Նման խեցեղեն, որը նույնպես միջագետքյան ծագում ունի և ներմուծվել է Սամառայից, վերջին տարիներս սակավ քանակությամբ հայտնաբերվել է Օրեն-Կալայում²³։

1965 թ. Դվինում գտնվեցին մի պնակի բեկորներ (շրթնամասերը), որոնք, զարդա-

սախտից դատելով, պատկանում են շողյուն խեցեղենի արտադրությանը, բայց միաժամանակ իրենց պարզ ձևերով տարբերվում են նույնատիպ խեցեղենի ավելի դասական օրինակներից (XII—XIII դդ.), որոնք մեծ քանակությամբ գտնվել են Դվինում և Անիում։ Վերահիշյալ անոթը ներքուստ և արտաքուստ ունեցել է ճոխ զարդարում։ Այն պատրաստվել է մանրահատիկ դիզնավուն կավից և բարակապատ է։ Ներսից՝ ամբողջ եզրով արված են կլոր շրջանակներ, որոնց մեջ տեղադրված են երկույն կարմիր և դարչնագույն օղակներ (աղ. III, 5)։ Այս ամենը վերցված է ոսկեգույն և կարմրավուն կետերի և մանր սլաքների մեջ, որոնք ընդհանուր ֆոն են ստեղծում։ Անոթի եզրերը շրջանակված են ոսկեգույն երիզներով։ Բեկորները, ըստ գտնվելու վայրի, թվագրվում են IX դարի վերջով կամ X դարի սկզբով։

Շողյուն խեցեղենի արտադրության ժամանակի և տեղի հարցը վիճարանությունների առարկա է դարձել մերձավոր-արևելյան խեցեղործության խոշոր գիտականների և ուսումնասիրողների մոտ, սակայն այդ հարցում վերջնական պարզություն չի մտցված։ Նրանց մի մասը շողյուն խեցեղենի արտադրության հավանական կենտրոն համարել է Իրանը (Վիգնիեր, Պեղարդ, Միգնոն, Կյոսլին և ուրիշներ), մյուսներն առաջ են քաշել հոմանա-եգիպտական լիներու տեսությունը (Բուտլեր, Ալի Բեյ Բագատ և այլն), մեկ այլ խումբ պատրաստման կենտրոն համարել է Միջագետքը (Զառե, Կյուհնել, Դիմանդ, Լեյն և ուրիշներ)։ Սամառայում թրծման հնոց և խոտան չի գտնվել, սակայն Ռեյում, Էրիխ Շմիդտի պեղումների ժամանակ խոտան է գտնվել (Բոստոնի արվեստի թանգարանի և Ֆիլադելֆիայի համալսարանի միացյալ արշավախումբ)²⁴։ Արաք աշխարհագիր Իրն ալ-Ֆակիհը նշում ունի IX դարում Ռեյում «ոսկեզօծ անոթների» առկայության վերաբերյալ։ 1927—1928 թթ. Ունվալայի կողմից Շոշում բացվել են թրծման հնոցներ շողյուն խեցեղենի բեկորներով և եռոտանիներով (IX դար)²⁵։ Ինչպես տեսնում ենք, նյութերը շատ հակասական են և իրավացի կերպով բանավեճեր են առաջացնում, սակայն մի բան պարզ է, որ արդեն IX դարում հիշյալ

¹⁹ F. Sarre, նշվ. աշխ., աղ. XVIII, 4, 167; Arthur Lane, Early Islamic pottery, London, 1947, նկ 8 B; A. U. Pope, Ceramic Art In Islamic Times. A History. A survey of Persian art, New-York, 1938—1939, հատ. V, աղ. 573 c.

²⁰ F. Sarre, նշվ. աշխ., աղ. XXVI—XXVII.

²¹ Կ. Ղաֆադարյան, նշվ. աշխ., նկ. 198, Б. Шелковников, Керамика и стекло из раскопок гор. Двина, էջ 198.

²² A. Lane, նշվ. աշխ., նկ. 7B.

²³ А. Л. Якобсон, Художественная керамика Байлакана, էջ 245—246.

²⁴ A. U. Pope, նշվ. աշխ., էջ 1162, նույնի՝ Identification of Iranian Pottery, «III Международный Конгресс по Иранскому искусству и археологии», М.—Л., 1935, էջ 175.

²⁵ J. M. Unvala, Note on the Lustrated Ceramics of Susa, Bulletin of the American Institute for Persian art, № 2, 1939, 79.

տեխնիկական նկատելի բարձրության վրա էր գտնվում:

Նույն խեցեղենի արտադրությունը Մերձավոր Արևելքում, ինչպես հայտնի է, տալիս է խոշոր ընդմիջում և նորից երևան է գալիս XI դարի երկրորդ կեսում, ավելի կատարյալ ձևերով: Այս տիպի ամենավաղ անոթներից մեկը թվագրվում է 1179 թվականով և պահվում է Բրիտանական թանգարանում: Կյուհնելն այդ ընդմիջումը բացատրում է նրանով, որ խալիֆաթի անկումից հետո արհեստավորների մի խումբ, որի ձեռքում էր կենտրոնացված շուրջ խեցեղենի արտադրությունը և որոնք հավանաբար խստագույնս թաքցնում էին նրա պատրաստման գաղտնիքը, տեղափոխվում է Եգիպտոս, ուր աշխատանքային ավելի հարմար պայմաններ կային Ֆաթիմյանների արքունիքում: Ֆաթիմյանների անկումից հետո, 1170—ական թթ. նրանք թողնում են Եգիպտոսը և հիմնավորվում Ռեյում (Պարսկաստան), Ռաքքայում (վերին Միջագետք) և Իսպանիայում: Այս միտքը պաշտպանություն է գտնում Լեյնի կողմից²⁶:

Դվինի շողյուն անոթի բեկորներին նույնատիպ խեցեղեն մեզ հայտնի է Անտիոքի ալ-Մինա թաղամասի պեղումներից²⁷: Նման տեխնիկայով պարզարված անոթներ հանդիպում են

նաև Սամառայում: Դվինում հայտնաբերված շողյուն թասի բեկորներն իրենց պարզամոտիվներով և գույներով բաղդատվում են Ֆուստատում (Եգիպտոս) հայտնաբերված խեցեղենի հետ: Ու. Շենյեյերը Ֆուստատի նմանօրինակ խեցեղենը թվագրում է 880—900 թթ.²⁸, որին մենք լիովին համաձայն ենք: Շողյուն խեցեղենի բազմապիսի գյուտերը Ֆուստատում խոսում են այն մասին, որ այս քաղաքը եղել է նրա արտադրության կենտրոններից մեկը: Շատ հավանական է, որ Դվինի անոթը ներմուծված լինի Եգիպտոսից:

Այսպիսով, Դվինի IX դարի ջնարակած խեցեղենն աչքի է ընկնում պատրաստման, անոթների ձևերի և զարդարման բազմազանությամբ: Իր արտադրությամբ Դվինը քայլել է Մերձավոր Արևելքի արհեստավորական կենտրոնների հետ համընթաց և գրավել է առաջնակարգ տեղերից մեկը: Ջնարակած խեցեղենի արտադրության բնագավառում Դվինը եղել է Անդրկովկասի խոշորագույն կենտրոններից և իր նկատելի կնիքն է թողել այլ կենտրոնների արհեստային արտադրանքի վրա: IX դարում Դվինը առևտրական և մշակութային սերտ կապերի մեջ է եղել Մերձավոր Արևելքի, Եգիպտոսի և այլ երկրների հետ:

Ա. ՔԱԼԱՆԹԱՐՅԱՆ

ԼՈՌԻ ԲԵՐԴԻ N 2 ԳԱՄԲԱՐԱՆԻ ՈՍԿԵ ԵՎ ԱՐՄԱԹԵ ԶԱՐԳԵՐԸ

1969 թ. օգոստոսին Ստեփանավանի շրջանի Լորի Բերդ գյուղում պեղվեց մի հարուստ, հիմնահողային դամբարան, որն ուղղված էր հյուսիս-արևմուտքից հարավ-արևելք: Այն ծածկված էր հսկա սալաքարերով, ուներ 5,80 մ երկարություն, 2,35 մ լայնություն և 2,45 մ խորություն: Մածկի քարերի տակ, երկու կողմերից տեղավորված էին միջին մեծության քարեր՝ սալաքարը պահելու նպատակով: Նեղեցյալը տեղավորված էր դամբարանի կենտրոնում, լայնությամբ, կմախքը խիստ քայքայված էր: Դամբարանի հարավ-արևելյան կեսում թաղված էին երկու ձիեր, որոնցից մեկի երախում երկաթե սանձ կար: Հայտնաբերված նյութերի մեծ մասը տեղավորված էր դամբարանի հյուսիս-արևմտյան

կեսում, դրանք էին՝ մոտ 45 կտոր խեցեղեն, այդ թվում պաշտամունքային անոթներ, բրոնզե բազմաթիվ ապարանքաններ, բոժոժներ, թրուշունների արձանիկներ, կոճակներ, ազաթից, հասպիսից և այլ քարերից պատրաստված բազմաթիվ զենքերի ու զինանքների, շաղախի զարդեր, երկաթե կեռ դանակներ և այլն:

Առանձին հետաքրքրության արժանի են դամբարանում հայտնաբերված ոսկե և արծաթե զարդերը: Սրանցից ամենահետաքրքիրը ոսկե ճակատազարդն է (դիադեմա), որն ունի 27,5 սմ երկարություն, 4,5 սմ լայնություն (աղ. 1, նկ. 1): Այն ընկած էր կմախքից կես մետր հյուսիս, կոթ դիրքով և հողի մեշման տակ կտրվել էր, բաժանվելով երկու անհավասար մասերի: Ճակատազարդը պատրաստված է ոս-

²⁶ Arthur Lane, Medieval Finds at al Mina in North Syria, „Archaeologia“, LXXXVII, էջ 29:

²⁷ Նույն տեղում, աղ. XVI, 1:

²⁸ R. Schenyer, Tulumidische Leisterfayence, „Ars Orientalis“, vol. V, էջ 76, աղ. 9, նկ. 45: